



Iohannes Melchior natus est ex nobili familia Hecketzerorum apud Heluetios in arce præclara Vuassersteltz, quæ ad Rhenum sita est, anno circiter 1508. Is cum felici ingenio insignis esset, à pueris operam literis dedit, atq; primis fundamentis perceptis sese ad varias Academias contulit. In ijs mediocrem artium & linguarum cognitionē adeptus est. Accedebat magna animi prudētia, atq; naturalis quædam facundia. Id cum Ferdinandus rex intellexisset, eū anno circiter 1535 inter suos cōsiliarios recepit, atq; in Archiducali curia Ensisheim, cum alijs assessoribus res varias expediendas commisit. Hunc etiā multoties legatum ad Heluetio-

rum comitia elegit, atq; suo nomine cuncta administrare iussit. Has quidē functiones Ioannes Melchior singulari industria absoluit, & suis uirtutibus omnibus gratus fuit. Quin etiā quādoq; militaria castra secutus, in prouincia pro Carolo Cæsare contra Franciscum Gallia regem arma induit, & suę fortitudinis circa Auinionem multa documēta dedit. Postea uerò bello composito ad pacis studia redijt, & domi forisq; conspicuus fuit. Hoc modo is etiamnum pergit, atq; in arce Vuassersteltz habitādo, illustrissimiq; Archiducis Austriae Ferdinandi res in Ensisheim cum alijs prudenter administrando, omnibus in notescit. Anon.